

平桂紀畧卷三

八年戊午正月陳金剛遣鄭金湯六寇賀縣

鄭金湯六寇賀縣土賊溫亞二附之焚掠信都芙蓉舖門官潭等墟其界連蒼梧之山寺村楊橋洞十六寨開建之泗水尾懷集之深冲牛欄皆遣悍黨屯據在連山者乘間窺伺南鄉欲圖縣城

張高友掠藤縣太平墟外委卓識拒賊戰死艇賊郭

珠據遷江

遷江數經賊破擄掠輒去偽將軍郭珠入縣城榜示徵收偽更縣名為思岡郭珠去後黃鼎鳳黨黃紹良陳泰昌等復出偽示徵收官軍與賊旋克旋據靡有休息

二月李文茂寇臨桂蘇橋守備陽勝元千總潘正萬

龍光臨把總羅廣源陣亡

平桂紀畧

卷三

三月陳開犯平樂官軍截擊之退梧州

陳開由昭平至永安合藤縣土賊犯平樂進逼陽朔將犯桂林時李文茂據柳州擁眾至蘇橋省城戒嚴按察使蔣益澧遣都司陳友勝知縣蔣澤春出平樂以遏陳開旋退梧州

土賊朱十九犯博白知縣鄒德潤擊卻之

初六日賊抵城下據南街知縣鄒德潤兼權州篆聞警回援賊解圍去掠英橋墟

四月官軍克復梧州陳開退據戎墟

廣東提督崑壽統師至德慶擒斬梁亞三李發李明等進攻梧州陳瑞芝統潮勇會東省官兵克府城開退據戎墟羅華觀逸出戮其家屬之在梧者

土賊孫子麟據羅城生員銀管春等率團攻克之銀

朝美陣亡

按察使蔣益澧統湘軍駐蘇橋李文茂敗退永福雞

石灣

時陳開屯鯉魚塘以應李文茂益澧分兵逼陳開自由四塘大埠截擊文茂潘其泰率果勇迎戰大捷文茂中傷與廖明盛退永福雞石灣廖廷魁等迎之

官軍克復賓州謝秉彝伏誅

翟景禧被害何兆葵代理州事與千總歐陽光農戴天生員章殿邦招集團練克復州城獲謝秉彝誅之其弟秉伸楊社福遁匿永福嶺背

五月官軍克雞石灣進攻維容李文茂奔洛垢

文茂奔洛垢守備張維德張洪勝陣亡進克鷓鴣山

十四日統領湘軍蔣益澧克復柳州

平桂紀畧

卷三

二

益澧大破賊於蘇橋由維容陸路抬船至維垢直襲郡城文茂大驚意下流賊皆敗走遂棄城宵遁

官軍克融縣李文茂奔貴州黎平

文茂竄黎平欲入苗山為黔兵擊敗十月回竄柳城融縣旋斃於懷遠山中餘賊附陳戊養歸於陳開開聞文茂死蔣益澧移師剿賀縣陳金剛馳據柳州使偽元帥馮添喜偽將軍李火秀偽知縣王山公等居守

六月官軍克復北流范亞音走容縣

署鬱林州知州鄒德潤署北流縣知縣江汝霖署陸川縣知縣覃遠璣共集練勇會營城下六月初七日克縣城亞音逸出竄容縣楊朝樞收集餘賊夜襲西山墟築桐州府砦以自固

七月陳金剛犯賀縣

金剛由開建進據梅花塘逼城下穴地道攻城火發城崩兵練礮石並發不能入八月初十日復穴

地道攻城知縣王康濟督兵練力守賊乃退

梁昌與其黨鬪敗走廣東合浦團練擒斬之

梁昌與區潤鬪敗引其黨數人由合浦東走入海時南寧破後居民多寄寓合浦有於路識昌者陰白合浦團練執之送廉州府城伏誅

容縣賊揭三陷卒里水澗寨屠之

藤縣大坡賊破四十三都監生潘茂樟戰死

八月按察使蔣益澧克復慶遠張彪伏誅

李文茂以彪為都督據府城設偽官副之益澧統楚師圍攻月餘彪知不免從蕭雲門之謀詣營乞撫益澧許之留營中令召其將軍以下諸偽職乃縛彪與雲門駢誅之餘賊未畢出者聞彪死閉城復叛閱三旬始平

平桂紀畧

卷三

三

彗星見於南方

區潤為其黨所殺陳開領其眾

張高友襲破荔浦蓮塘村據之

高友屢擾修仁荔浦永安八年六月由永安進逼荔浦破中山馬嶺正德等堡八月破白山輝平狗尾盤村十四夜率眾襲破蓮塘據險以守胡元隆據修仁賁總晚據永安相為犄角總晚為其黨所殺王桂林繼之

九月陳金剛陷賀縣知縣王康濟都司何瀛典史吳

敬軾教諭黎汝源訓導孫慶壽皆死之

九月賊攻城亟按察使蔣益澧遣參將陳友勝高連陞遊擊王月亮以二千五百人往援道出平樂十二日縣城陷矣康濟何瀛等皆慘死候選教諭龍克家舉人龍紹衡拔貢蔣登顯並及於難

江南僞翼王石達開敗竄廣西

洪逆據金陵與楊秀清韋震自相疑忌震殺秀清洪逆惡震逼已調達開返圖之既殺震以達開專亦欲殺之達開率其眾走江西旋寇浙江福建湖南沿邊州縣由廣東湖南分竄廣西其兇悍賊目以賴裕新石鎮吉陶金湯為最

十月朔官軍克賀縣觀音巖進克點燈寨都司陳智慧陣亡

艇賊陳寶復陷柳州

陳寶尙據石龍聞蔣益澧駐軍江口守城兵不滿三百遂與謝入張應彪復襲陷郡城湘軍敗退

官軍進攻賀縣茶菴不克千總謝義勝郭美才陣亡

李文彩據橫州孫仁廣梁安邦逐之走平朗

平桂紀畧

卷三

四

文彩陷據廣東靈山官軍合圍之十月克復靈山文彩回據橫州仁廣與文彩前不相能以其勢敗共逐之文彩走平朗自此諸屯賊各構釁自相仇殺

十一月謝秉伸楊社福陷賓州知州任秉鈺守備章

廷忠韋啓賢皆死之

謝秉彞糾李錦貴黃鼎鳳陷賓州知州何兆葵與統帶姚勇副將蕭榮芳克復州城並克上江十餘村誅秉彞秉伸與社福遁匿七年九月姚勇回柳州錦貴鼎鳳亦回上林八年十一月秉伸社福復率黨攻陷州城秉鈺履任月餘遇害

九年己未正月黃鼎鳳據貴縣覃塘龍山

鼎鳳自潯州陷後數出劫掠擾橫州賓州上林始附潯州陳開後黨眾遂自據覃塘墟北山

桂平縣賊姚新昌陷新墟分遣其黨陷羅秀十餘村

新昌自咸豐初結聯鍾玉保黃阿得等漸肆劫掠其勢日張五年陳開陷潯州受偽封北路大元帥六年提督惠慶駐蒙墟議招撫新昌就羈縻八年二月復出陷羅秀附近村堡慘殺尤甚九年正月陷新墟走沙塘遣其黨楊亞文等分擾鬱林鬱林州知州鄒德潤擊敗之竄據容縣石頭墟自署偽官築巢於隘以固守

二月陳開犯梧州官軍擊卻之

賊犯梧州敗走焚藤縣赤水民居攻陷富安村屠之死者五千餘人以藤縣城殘毀不守而去

羅華觀據蒼梧人和墟

華觀自梧州逸出復招羅國勇羅世貴聚於山寺村與陳金剛相結勢復大振九年二月糾艇賊據將軍灘旋據人和墟

石達開分黨入賓州破古辣墟旋犯上林武緣

平桂紀畧

卷三

五

賊破古辣陳虞李蔡四村進士李登瀛舉人李國棟暨男婦長幼死者數十人復分黨犯上林武緣

三月謝秉伸破思村前署賓州知州何兆葵遇害

兆葵卸賓州事督辦團練駐思村三月秉伸攻破思村殺兆葵而去為秉彝復讐也

永福賊廖鳴盛寇羅城

團總銀良泰等與官兵力戰數月賊解去

潯州賊陷藤縣富安村屠之死者五千餘人

五月賴裕新陷慶遠石達開入據之

六月官軍克復懷集

侯成帶與金剛內閣署懷集縣知縣元慶遊擊潘其泰守備高日現乘亂克復懷集金剛陷賀縣時石達開驅賊數十萬眾遍擾廣西金剛乘間分擾昭平平樂富川延及楚境湖南候選道劉嶽昭來

助勦營
於白芒

賴裕新犯南寧圍攻月餘而去

南寧自七年城陷流亡甫集九年六月賴裕新據賓州遂犯南寧樹木柵於石子嶺為久困計由東北城濠外穴地道攻城值大雨後濠水浸潤掘數丈而止城內居民初經兵燹生計窮困自分必死共集丁壯屢出與賊戰勇敢者夜斫賊柵相持幾一月賊以野無所掠解圍去

石達開分黨入龍虎關寇恭城及平樂

石鎮吉陷興安

鎮吉由江華寇全州統帶湘軍蔣益澧使訓導胡瑋率湘勇三營守興安賣豬嶺賊至勇潰胡瑋死馬鎮吉遂陷興安

鬱林州兵練攻克西山墟進攻容縣

平桂紀畧

卷三

六

鬱林州兵練克西山楊朝樞逸出進攻容縣不利退守西山墟

七月二十六日石鎮吉犯全州

鎮吉竄全州徑撲州城初至日方中環立北門外土岡中夜繼至者屯太平舖四鼓驅大隊欲襲城至五里亭見滿山星火自相驚潰潰知無兵復集聞山中呼噪聲復潰散黎明始循山後而去

二十九日石鎮吉犯桂林

鎮吉由興安犯桂林巡撫曹澍鍾督兵練登陣守急徵蔣益澧蕭榮芳各率所部入援榮芳遠在柳州中途為賊所阻益澧於八月初二至桂林勇多疲病人心惶然

八月候選道蕭啓江與賊戰於大溶江敗之

賊據興安分黨守大溶江啓江率湘軍由湖南追賊及大溶江擊敗之乘勝追擊賊大潰竄集桂林石達開陷據義寧記名按察使劉長佑營靈川以備

之賊知楚軍踵至悉遁走

九月初十日賊目陶金湯竄陽朔石鎮吉竄永福石達開由永寧走融縣省城圍解而賊愈滋蔓矣湖南欲撤回各勇學使李載熙劾奏蔣益澧所部勇額多缺存者復衰弱誤事得旨查辦以劉長佑補授廣西按察使所部楚軍留粵蕭啓江奏調赴皖曹澍鍾如熙惟楚軍勦辦柳州各賊石逆得以滋蔓者以兵力不足也

陳戊養殺黃金亮於太平墟之五里村

戊養與金亮有隙金亮譖戊養於李文茂使潯州艇賊陳寶招而殺之寶縱之回太平墟以殺死聞於文茂金亮信之八月金亮赴石達開招至五里墟戊養遽出圍之殺金亮並其弟黃二

九月潯州賊攻陷藤縣嚴嶺村屠之進據十六都

石達開陷慶遠據之

平桂紀畧

卷三

卸東蘭州知州恩錫寄居城中與左營外委彭萬貴皆死焉

十月陶金湯陷陽朔旋陷永安張高友誘殺之

金湯既陷陽朔永安結蓮塘賊張高友為助高友利其所有誘殺之餘黨萬餘竄至武宣不能渡河遂走平南歷藤縣昭平富川屢為團練截殺十二月竄湖南江華為楚軍擊敗轉賀縣開山沿懷集至廣東連州為官兵殲擒幾盡

十一月西隆州白苗項小三作亂犯州城知州積綸

禦之陣亡

積綸與賊戰於藍靛塘陣亡賊乘勢圍攻州城團總黎瀚與賊力戰賊敗退馬海

石鎮吉入上林土賊李錦貴黃丹桂附之

十年庚申正月初三日地震

布政使劉長佑克復柳州擒斬馮添喜崔倡梁慶等數百人

統領湘軍蔣益澧克復人和墟

羅華觀竄去

陳永秀寇永安及昭平

永秀自平樂敗走賀縣八月竄昭平據洞心村為團練擊敗入徭山十年正月復聚土賊數千與廣東賊陳金剛相結寇永安及昭平

石鎮吉以李錦貴為偽澄江縣令錦貴率莫剛強等

寇古蓬里村代理上林縣陳汝遇害

羅華觀據蒼梧下邳

平桂紀畧

卷三

八

華觀據下邳分黨出石橋以拒官兵恃陳金剛陳開為援

二月李文彩據永淳楊村孫仁廣梁安邦合攻之敗

走懷遠入貴州

文彩導石鎮吉入蘇梁張三村鎮吉敗走仁廣等復攻文彩於沿江屯之深窩文彩入蘇埠村再入甘棠十年據沙江楊村那曹那決甘棠三村撞賊糾仁廣等攻文彩於嶺背文彩再敗由懷遠梅寨入貴州諸獍賊之獍悍者咸歸安邦仁廣

陳寶寇柳州楚軍自柳城回援力戰賊乃解去

陳寶糾梁贊馮康劉入梁四等圍攻郡城提督王海青與統帶赫勇副將蕭榮芳知府蔣澤春知縣趙準協力固守時布政使劉長佑分師攻克柳城太坪墟各路聞驚回援與賊苦戰兩月楚軍營官總兵翟國彥鄭金華胡時朋等皆受重傷都司何通勝千總范謙光劉玉升鄧國定陳武光何法祖

等皆陣亡賊死傷亦相等乃解圍去

石鎮吉犯百色

鎮吉圍攻百色同知陶兆恩等力拒之署鎮安府知府興福鎮安協副將瑞保署凌雲縣知縣余萼銜各引軍赴援賊於城外穴地火攻兩次轟崩城垣數丈蜂擁欲上皆被擊退賊屯久自相猜忌兵練知其內訌亟乘之賊目偽宰制會廣依率眾數萬走西隆滇黔兩省兵練守紅水江四月初七日賊乘夜用竹筏偷渡攻雲南廣南府城旋由貴州興義府陷獨山廣順二州石鎮吉走安定土司為土練阻截前後險隘斃賊甚多獲鎮吉並偽宰制陳於麟解省伏誅

三月石達開賊黨寇西隆州

賊數萬眾由百色寇西隆州城不能守官民皆走匿深巖或於山巔結寨自守賊蹂躪州境殆遍團民黎偉科率練丁伏密菁山隘時出截擊賊月餘賊竄黔境

平桂紀畧

卷三

九

署藤縣知縣宋尙述捕賊於三江里遇害

四月土賊歐陽錦入懷遠據之

歐陽錦與苗賊結連入據懷遠縣城旋赴省乞降遂復懷遠

石達開棄慶遠南竄

初三日賊目彭大順入城初六日復出城北竄

石達開陷武緣

達開由慶遠至上林李錦貴迎之復由鎮鄒陽墟陷武緣縣城

五月統領湘軍蔣益澧自平樂進剿陳永秀戰於畫

眉嶺大敗之

益澧由平樂二塘進剿遣縣丞吳先春都司周廷彩由水路並進永秀與盧海列營畫眉嶺官軍奮

擊大敗之追及於銅鼓墟連戰皆捷吳先春水師來會斬偽兵部尚書安定侯王鼎新偽平靖侯尤坤樹將軍黃明總兵何昌等三千餘級永秀率餘賊歸陳金剛

賴裕新陷河池再陷思恩縣寇南丹土州

七月官軍克復賀縣

參將陳友勝等捷於馬峯再捷於馬井道斬偽鎮國公黃三元都督梁志號指揮陳仲佐領溫潤數十級營於茶菴六月楚師進勦黃田湘軍營於北門參將劉文彬守備文海陣亡賊目譚積亮包理安李五晚向二等乞降劉嶽昭撫之得五千餘人七月克復賀縣城擒偽將軍盧高都督何晚靖西伯梁義指揮陸四源金剛出南門領數十騎遁回開建收集餘賊據廣東高州信宜後為其黨鄭金殺所

石達開散賊張志公鄭忠林等乞降巡撫劉長佑撫

平桂紀畧

卷三

之

達開據慶遠使賴裕新政羅城天河村寨所擄糧米不足以供食復至思恩為團練所乘敗退各鄉團練乘勢齊集欲圍慶遠達開懼走賓州其賊目朱姓者以達開勢敗率眾東竄欲回江西各散賊附之眾數萬六月初五日至永寧為楚軍擊敗入懷遠板攬墟七月初五日分股入古宜兵練扼河而守賊不得渡折入畹田其在板攬者走永寧三隍經中渡出擾永福畹田之賊又分為二一由靈川七都經興安全州入灌陽踰嶺出永明江華逃回江西一由畹田走永寧使人通款降於巡撫劉長佑遂汰其老弱及不願充勇者八千餘人給資遣送回籍留精壯者三千餘人分五營以其酋張志公鄭忠林魯子宏黃周親姚盛甫領之

石達開散賊入興安知縣榮志把總蔣顯揚被執不

屈死

賊由永福龍勝趨興安巡撫劉長佑令張志公等五營隨官軍進剿以規之至大溶江奮勇擊賊賊敗竄突入興安擁榮志蔣顯揚去遇害遂走灌陽入湖南永明

八月吳凌雲陷養利

凌雲使長子吳終守太平次子朱元守養利僭偽號曰延陵鑄印文曰延陵王璽修建宮室蓄髮變服封偽官梁國楨梁謙之以下數十人

范阿音夜襲西山墟官軍潰知縣黎源戰死賊犯北

流

阿音夜襲西山墟營砦官軍潰鄒德潤回北流賊尾之環攻甚急鬱林團練局募勇來援署博白縣知縣王達材署陸川縣知縣覃遠璉均親率援師星夜馳至賊穴地道火攻城崩者再外戰內守得全閱三旬援師屢捷賊解圍宵遁

平桂紀畧

卷三

士

吳凌雲陷太平知府劉作肅西隆州州同馮應鏞左

州學正蔣應奎副將多祿都司黃耀麟把總李為樑

上思州千總王愛仁皆被執不屈死

凌雲據隴羅土賊皆附之築土城署偽官遣諸頭目分據各鄉縱橫數百里淪陷殆遍十年八月陷太平龍州作肅多祿等皆被執遇害

十月陳金剛竄梧州寇藤縣岑溪

金剛為官軍擊敗擁眾萬餘竄梧州由安平渡江據藤縣坡塘攻皇華江諸砦下之遂寇岑溪其黨大洪攻破社洞砦死者二百餘人

官軍克戎墟

九月官軍進剿戎墟候補道吳鎬知府劉楚英參將黃威由水路夾擊十月克戎墟副將劉松芳克

竹洞通判蔣上治遊擊李運絡守備李運榮克印
亭進攻下郢賊盡聚四簍官軍分道追剿大捷羅
華觀奔潯州附
陳開易名羅祿

十一月官軍勦蓮塘不克

廖明盛殺黃上林來乞降統領楚軍劉坤一誅之